



جابتو حال إحوال اكمام اسلام قولوا قينخ

JABATAN HAL EHWAL AGAMA ISLAM
PULAU PINANG

**GARIS PANDUAN
MAJLIS AKAD NIKAH
DALAM TEMPOH PERINTAH KAWALAN
PERGERAKAN BERSYARAT (PKPB)**

DIKEMAS KINI PADA 9 NOVEMBER 2020

1. PUNCA KUASA

- (a) Enakmen Undang-Undang Keluarga Islam (Negeri Pulau Pinang) Tahun 2004.
- (b) Kaedah-Kaedah Perkahwinan, Perceraian Dan Ruju' (Negeri Pulau Pinang) 2000.
- (c) Arahan semasa yang dikeluarkan oleh Majlis Keselamatan Negara (MKN) dan Kementerian Kesihatan Malaysia (KKM).

2. PELANJUTAN TEMPOH SURAT KEBENARAN BERKAHWIN

Surat Kebenaran Berkahwin yang telah tamat dalam tempoh PKPB ini akan dilanjutkan sebulan bermula dari tarikh kebenaran berakhir. Pemohon hendaklah hadir semula ke Pejabat Agama Daerah untuk membuat penyambungan tempoh sah Kebenaran Berkahwin.

3. SYARAT-SYARAT UMUM

Syarat-syarat umum yang ditetapkan adalah seperti berikut:-

- (a) Pelaksanaan Majlis Akad Nikah dalam tempoh PKPB dibenarkan kepada pasangan yang telah mendapat Kebenaran Berkahwin daripada Jabatan Hal Ehwal Agama Islam Pulau Pinang (JHEAIPP); dan
- (b) Keputusan Saringan Ujian HIV kedua-dua pasangan masih dalam tempoh sahlaku semasa akad nikah dijalankan.

4. SYARAT-SYARAT KHUSUS

Syarat-syarat khusus yang ditetapkan adalah seperti berikut:-

- (a) Pihak yang terlibat hendaklah membuat janji temu dengan Penolong Pendaftar NCR terlebih dahulu bagi mendapatkan tarikh dan waktu akad nikah;
- (b) Pihak yang terlibat dalam majlis akad nikah mestilah;
 - (i) tidak mempunyai gejala;
 - (ii) bukan kontak rapat kes positif Covid-19 atau yang di bawah Perintah Pengawasan Dan Pemerhatian Di Rumah (HSO); dan
 - (iii) bukan dari kawasan Perintah Kawalan Pergerakan Diperketatkan (PKPD) atau Zon Merah.

- (c) Pihak yang terlibat hendaklah menjalani saringan di pintu masuk iaitu:-
 - (i) Membuat pemeriksaan suhu badan.
 - (ii) Suhu badan melebihi 37.5° Celsius atau bergejala tidak dibenarkan masuk.
 - (iii) Mendaftarkan kehadiran menggunakan imbasan *QR Code* melalui aplikasi MySejahtera atau merekodkan kehadiran di dalam buku kehadiran yang disediakan.
 - (iv) Memakai pelitup muka (*face mask*) dan menggunakan pembersih tangan (*hand sanitizer*).
- (d) Pihak yang terlibat perlu mematuhi semua Prosedur Operasi Standard (SOP) dan garis panduan yang ditetapkan oleh Majlis Keselamatan Negara, Kementerian Kesihatan Malaysia dan lain-lain agensi penguatkuasaan berhubung kawalan penularan wabak penyakit.

5. TEMPAT, WAKTU DAN TEMPOH MASA MAJLIS AKAD NIKAH

5.1 Tempat Akad Nikah

- (a) Akad nikah hanya boleh diadakan di Pejabat Agama Daerah (PAD) sahaja dan sekiranya ada permohonan hendak diadakan di rumah kediaman, perlulah mendapat kelulusan Pegawai Tadbir Agama (PTA) di daerah masing-masing bagi tujuan pemantauan dengan syarat pematuhan Prosedur Operasi Standard (SOP).
- (b) Melakukan sanitasi ruang majlis dan kawasan sekitarnya termasuk tandas sebelum dan selepas majlis.

5.2 Waktu Akad Nikah

Pihak-pihak yang terlibat mestilah:-

- (a) Mematuhi tarikh dan masa yang telah ditetapkan oleh Pendaftar/ Penolong Pendaftar NCR.
- (b) Pendaftar/ Penolong Pendaftar NCR boleh membatalkan majlis akad nikah tersebut sekiranya pihak- pihak terlibat gagal hadir pada tarikh dan masa yang telah ditetapkan.

5.3 Tempoh Masa Akad Nikah

Tempoh masa perjalanan keseluruhan majlis akad nikah hendaklah tidak melebihi 20 minit.

6. KEHADIRAN DAN SUSUN ATUR MAJLIS AKAD NIKAH

6.1 Kehadiran Ke Majlis Akad Nikah

Kehadiran ke majlis akad nikah hendaklah tidak melebihi 20 orang termasuk pengantin lelaki, pengantin perempuan, wali, jurunikah dan dua (2) orang saksi.

6.2 Susun Atur Majlis Akad Nikah

- (a) Susun atur majlis akad nikah hendaklah mematuhi penjarakan fizikal sekurang-kurangnya satu (1) meter.
- (b) Tidak dibenarkan berjabat tangan antara jurunikah dengan pengantin lelaki serta antara semua pihak yang terlibat dalam majlis akad nikah.

7. DOKUMEN DAN PERALATAN YANG DIBENARKAN DALAM MAJLIS

Hanya mas kahwin dan dokumen yang berkaitan sahaja dibenarkan berada di dalam ruang majlis.

8. PEMATUHAN TERHADAP TATACARA PENCEGAHAN PENULARAN COVID-19

- 8.1** Pendaftar atau Penolong Pendaftar NCR hendaklah memastikan semua pihak yang terlibat tiada gejala Covid-19;
- 8.2** Mempraktikkan amalan sanitasi kebersihan yang optimum pada masa majlis akad dengan terlebih dahulu mencuci tangan menggunakan air dan sabun atau bahan pencuci tangan (*hand sanitizer*);
- 8.3** Memakai pelitup muka (*face mask*) semasa majlis akad nikah;
- 8.4** Mempraktikkan penjarakan fizikal (*social distancing*) sekurang-kurangnya satu (1) meter bagi setiap orang yang hadir dalam majlis akad nikah;

- 8.5** Tidak dibenarkan sebarang upacara seperti upacara membatalkan air sembahyang, sarung cincin, bersalaman antara satu sama lain selepas Majlis Akad Nikah; dan
- 8.6** Mematuhi langkah-langkah keselamatan yang telah ditetapkan oleh Kementerian Kesihatan Malaysia dari semasa ke semasa.

9. BIDANG KUASA KETUA PENDAFTAR NCR

- 9.1** Ketua Pendaftar NCR boleh menetapkan apa-apa syarat tambahan yang difikirkan perlu bagi membolehkan majlis berjalan dengan lancar dan teratur.
- 9.2** Ketua Pendaftar NCR boleh membatalkan mana-mana majlis akad nikah yang tidak mematuhi tatacara majlis akad nikah yang telah ditetapkan atau apa juga arahan yang diberikan dari semasa ke semasa.

10. PEMATUHAN TERHADAP PKPB

- 10.1** Adalah menjadi tanggungjawab pasangan dan ahli keluarga mematuhi semua arahan PKPB yang ditetapkan.
- 10.2** JHEAIPP tidak akan bertanggungjawab sekiranya terdapat pihak-pihak yang terlibat dalam majlis akad nikah tidak mematuhi arahan PKPB yang telah dikuatkuasa oleh Kerajaan Malaysia.

11. TARIKH KUATKUASA GARIS PANDUAN

Tarikh kuatkuasa garis panduan ini adalah pada **9 November 2020**.

12. PENUTUP

Garis Panduan ini adalah tertakluk kepada pindaan dari semasa ke semasa.

Jabatan Hal Ehwal Agama Islam Pulau Pinang
23 Rabiulawal 1442H/ 9 November 2020M